

*Вопросъ.* Чесо ради мнози нарицають время плача? кѣихъ ради случаевъ плакати повелѣваетъ Писаніе?

*Отвѣтъ.* О извѣстныхъ и самому тебѣ вѣдомыхъ вещахъ вопрошати, — видится излишнее любопытство, но да не безызвѣстно предъ вами явимся и тѣмъ подадимъ нѣкіимъ мнѣніе. Сколько, умудряя младенцы, подаетъ намъ умѣніе, отвѣтствовать не отрекусь. Кто бы отъ благоразумныхъ нарекъ: *нынѣ время плача достойное.* Вездѣ плачь узриши: 1) По попущенію Святаго и Праведнаго Бога, за умноженіе ради грѣхъ нашихъ, прія власть сынъ погибельный прельщати весь міръ и прельщаетъ и мало не весь міръ прельсти; ибо отъ 166 лѣтъ третій Римъ отпаде, а четвертому не быть. Паденіе всемірное и несчастное, и въ первое благочестіе пріити уже безнадѣжное. О семъ вся Россія *слухомъ наполнена*, каковое было народу отъ Никона и учениковъ его, за содержаніе древняго благочестія, кровопролитіе и сажженіе, а наипаче за крестное знаменіе, егда отецъ доказывалъ на сына, а мать дочь свою на судъ предавала. Кто о семъ времени слышавъ, не наречетъ его *достойное плача?*

Не имѣемъ мы съ того времени надъ собой власти благочестивыя, ни духовныя, ни гражданскія, не есть у насъ ни царя благовѣрнаго, ни патріарха старшаго, ни князя православнаго, ни иного кого отъ начальствующихъ и некому насъ отъ враждующихъ на истину зашити и помиловать и паче всѣхъ языкъ, жизнь наша происходитъ въ обидѣ и паче всѣхъ утѣсненіе. Не есть ли сіе время плача достойное?

Нѣсть нынѣ у насъ ни единыя священныя церкви, въ нюже бы мы могли въ печалехъ своихъ прибѣгнути, аки душевной врачевнищѣ, а всѣми церквами владѣють защитницы змѣевы, намъ же входъ въ конецъ затворися; кто о семъ не изліетъ слезъ? Нигдѣ нынѣ не слышится, ни въ которыхъ странахъ, благочестіемъ сіяющаго архіерея, отъ него производилось бы православное священство, чего отъ начала евангельскія проповѣди, видится, не было и вси мы теперь пребываемъ, яко овцы, неимущія пастыря. Какое плаваніе корабля, безъ кормчаго во времена многобурныя? Кто о семъ не восплачется?